



UNIVERSITETI - UNIVERSITY - UNIVERZITET
"HAXHI ZEKA"

Ref. nr. 1818/25

Pejë, 30.07.2025

Në bazë në nenin 8 të Ligjit Nr. 03/L-212 të Punës, nenit 26 të Ligjit Nr. 04/L-037 mbi arsimin e lartë në Republikën e Kosovës, nenet nga 169 deri në 173 të Statutit Nr. 04-V-622 të Universitetit "Haxhi Zeka" në Pejë, Rregullores me nr. 025, datë 6.1.2023, për procedurat vlerësuese dhe përzgjedhëse lidhur me emërimin, riemërimin dhe avancimin e personelit akademik të rregullt në Universitetin "Haxhi Zeka" në Pejë, Rregullores me nr. 2863, datë 3.10.2023, për plotësim ndryshimin e Rregullores me nr. 025, datë 6.1.2023, Senati i Universitetit "Haxhi Zeka" në Pejë, në mbledhjen e mbajtur me datë 25.7.2025, vendosi të:

Shpall

K O N K U R S

Për riemërimin/avancimin e personelit akademik të rregullt në UHZ

FAKULTETI JURIDIK - Riemërim/avancim:

1. Një (1) mësimdhënës për lëndët: *E Drejta Ndërkombëtare Private (O)*, *E Drejta Ndërkombëtare dhe Evropiane e Punës (O)* (Kodi i fushës Erasmus: 10.2).

I. Kushtet e përgjithshme dhe të veçanta

- a) Kushtet e përgjithshme për emërimin e personelit akademik janë të përcaktuara sipas dispozitave të parapara me Ligjin Nr. 04/L-037 për Arsimin e Lartë në Republikën e Kosovës, dispozitat e Statutit nr. 04-V-622 të Universitetit "Haxhi Zeka" në Pejë, si dhe Rregulloren nr. 025, datë 6.1.2023 për procedurat vlerësuese dhe përzgjedhëse lidhur me emërimin, riemërimin dhe avancimin e personelit akademik të rregullt në Universitetin "Haxhi Zeka" në Pejë, plotësuar dhe ndryshuar me Rregulloren me nr. 2863, datë 3.10.2023.
- b) Kushtet për emërimin dhe avancimin në çfarëdo titulli të personelit akademik janë kualifikimet përkatëse dhe përvojat relevante për vendin e punës.
- d) **Kandidatët të cilët aplikojnë për riemërim/avancim në thirrjen akademike Profesor i asocuar (Prof. asoc. dr.), duhet t'i plotësojnë kriteret si në vijim:**
 1. Të ketë gradën e doktorit të shkencës;
 2. Të ketë një numër të zgjedhur të monografive, publikimeve në revista ndërkombëtare shkencore me së paku tri (3) punime kryesore të publikuara në revista ndërkombëtare të indeksuara në platformat WEB OF SCIENCE dhe SCOPUS, si autor i parë ose korrespondent nga të cilat së paku dy (2) të jenë nga thirrja e fundit dhe të kenë kaluar të paktën katër (4) vjet nga thirrja e Profesorit Asistent;
 3. Të tregojë aftësi për mësimdhënie;
 4. Të dëshmojë punë, dije dhe mjeshtri në lëndën e fushës përkatëse;

5. Botimet duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies;
6. Emërimi për titullin *Profesor i asocuar*, si dhe kohëzgjatja e punësimit është katër (4) vite.

d) Kandidatët të cilët aplikojnë për riemërim/avancim në thirrjen akademike Profesor asistent (Prof. ass. dr.), duhet t'i plotësojnë kriteret si në vijim:

1. Të ketë gradën e doktorit të shkencës;
2. Të ketë një numër të zgjedhur të monografive dhe publikimeve, të shqyrtuara në revista ndërkombëtare shkencore, me së paku një (1) punim kryesor të publikuar dhe të shqyrtuar në revista ndërkombëtare të indeksuara në platformat WEB OF SCIENCE (SCIE, SSCI dhe AHCI) dhe SCOPUS, si autor i parë ose korrespondent;
3. Të tregojë aftësi për mësimdhënie;
4. Të ketë së paku tre (3) vite përvojë pune në procesin mësimor në arsimin e lartë;
5. Botimet duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies;
6. Emërimi për titullin *Profesor asistent*, si dhe kohëzgjatja e punësimit është katër (4) vite.

II. Dokumentet e nevojshme për kandidatët të cilët aplikojnë për riemërim/avancim

Kandidatët të cilët aplikojnë për pozitën si në konkurs, më rastin e aplikimit duhet t'i sjellin këto dokumente:

- a) Formularin për aplikimi;
- b) Biografinë (CV);
- c) Certifikatën/ekstraktin e lindjes;
- d) Certifikatën e shtetësisë së Republikës së Kosovës;
- e) Certifikatën mbi dënimet penale;
- f) Vendimin për thirrjen e fundit nga UHZ dhe kontratën e punës valide me UHZ;
- g) Dëshmitë për publikimet shkencore e profesionale brenda kornizës së përcaktuar me Statutin e UHZ-së dhe Rregulloren nr. 025, datë 6.1.2023, për procedurat vlerësuese dhe përzgjedhëse lidhur me emërimin, riemërimin dhe avancimin e personelit akademik të rregullt në Universitetin "Haxhi Zeka" në Pejë, plotësuar dhe ndryshuar me Rregulloren me nr. 2863, datë 3.10.2023, si dhe;
- h) Informatat e tjera specifike shtesë, të cilat janë të rëndësishme për pozitën që aplikojnë.

III. Vendimi, periudha e ankimimit dhe e përmbylljes së konkursit

1. Procedura e votimit në Senat për propozimet e Këshillit të Fakultetit lidhur me emërimin dhe avancimin e anëtarëve të personelit akademik bëhet sipas Rregullores me nr. 025, datë 6.1.2023, për procedurat vlerësuese dhe përzgjedhëse lidhur me emërimin, riemërimin dhe avancimin e personelit akademik të rregullt në Universitetin "Haxhi Zeka" në Pejë.
2. Anëtari i personelit akademik i cili ka vlerësim pozitiv nga instancat paraprake, por i cili nuk i fiton votat e nevojshme të anëtarëve të Senatit për avancim, mbetet në thirrjen e njëjtë.
3. Ndaj vendimit të Senatit, në afat jo më larg se pesëmbëdhjetë (15) ditë pas pranimit në dorëzim të njoftimit për vendim, mund të bëhet ankesë në Komisionin e Senatit për Ankesa dhe Parashtrës, që shërben si instancë e parë dhe e fundit e ankimimit në UHZ.

4. Konkursi për emërim, riemërim ose avancim të personelit akademik, duhet të përmbyllet me vendim përkatës të Senatit të UHZ-së, në një periudhë jo më të gjatë se 175 ditë nga dita e shpalljes.
5. Nëse konkursi nuk realizohet brenda afatit të përcaktuar si në paragrafin 4 të këtij neni, atëherë mund të rishpallet sipas kërkesës së Fakultetit.

IV. Mënyra e aplikimit

1. Aplikacionet e plotësuara së bashku me kopjet e dëshmimeve të nevojshme (të cilat kërkohen sipas Rregullores nr. 025, datë 6.1.2023, për procedurat vlerësuese dhe përzgjedhëse lidhur më emërimin, riemërimin dhe avancimin e personelit akademik të rregullt në Universitetin “Haxhi Zeka” në Pejë, plotësuar dhe ndryshuar me Rregulloren me nr. 2863, datë 3.10.2023 dhe konkursit) duhet fillimisht të dorëzohen në formë elektronike në e-mail: apliko.online@unhz.eu dhe pastaj në formë fizike në zyrën e arkvit dhe protokollit në Rektorat.
2. Punimet shkencore të publikuara në revista ndërkombëtare nuk ka nevojë të skanohen në tërësi, por vetëm faqja e parë dhe e fundit e punimit (përfshirë konkluzionet), ndërsa për libra, tekste mësimore dhe monografi të botuara duhet të skanohet faqja e parë e librit dhe faqja në të cilën shihen recenztët dhe katalogimi në botim (CIP).
3. Aplikacionet e dërguara pas afatit dhe ato të pakompletuara, si dhe ato që nuk deponohen të skanuara përmes postës elektronike në adresën e lartcekur, nuk do të merren në shqyrtim.
4. Konkursi mbetet i hapur pesëmbëdhjetë (15) ditë kalendarike nga dita e shpalljes në ueb faqen zyrtare të Universitetit dhe gazetë, përkatësisht nga data 31.7.2025 deri më 14.8.2025, në orën 16:00. Gjatë kësaj periudhe kandidatët e interesuar duhet të aplikojnë në formë fizike dhe elektronike.

Ju lutem shkarkoni këtu formularin për aplikim.

**Konkursin mund ta gjeni të publikuar edhe në faqen e internetit në këtë adresë:
<http://www.unhz.eu>**